

Broj: 01-45-1-586-1/20
Sarajevo, 10.12.2020. godine

Na osnovu potpisanog Provedbenog sporazuma između Gender Centra Federacije Bosne i Hercegovine i Ministarstva za ljudska prava i izbjeglice Bosne i Hercegovine kojeg zastupa Agencija za jednakopravnost spolova BiH (broj: 03-05-267/19) za projekat „Jačanje kapaciteta institucija za rješavanje rodno zasnovanog nasilja u Bosni i Hercegovini“ finansijski podržanog od strane USAID-a, Gender Centar Federacije Bosne i Hercegovine objavljuje

JAVNI POZIV

za odabir konsultanta/ice za statističku obradu podataka

O USAID projektu

Gender Centar Federacije Bosne i Hercegovine kao stručna služba Vlade Federacije BiH zadužena je za koordinaciju izrade i praćenja provedbe strateških dokumenata u oblasti nasilja u porodici. S ciljem podrške realizaciji obaveza prema Konvenciji Vijeća Evrope o sprečavanju i borbi protiv nasilja nad ženama i nasilja u porodici - Istanbulska konvencija („Službeni glasnik BiH“, broj 19/13), Akcionom planu za provedbu Strategije za prevenciju i borbu protiv nasilja u porodici za period 2018-2020 („Službene novine Federacije BiH“, broj 102/18) i članovima 36., 37. i 39. Zakona o zaštiti od nasilja u porodici („Službene novine Federacije BiH“, broj 20/13) pripremljen je projekat pod nazivom „Jačanje kapaciteta institucija za rješavanje rodno zasnovanog nasilja u Bosni i Hercegovini“. Za navedeni projekat je dana 1.8.2019. godine potpisan Provedbeni sporazum između Gender Centra Federacije Bosne i Hercegovine i Ministarstva za ljudska prava i izbjeglice kojeg zastupa Agencija za jednakopravnost spolova BiH (broj: 03-05-267/19), a finansijski je podržan od strane USAID-a.

Cilj provedbe projekta je funkcionalna horizontalna i vertikalna uvezanost institucija i organizacija koje rade na preventivnom djelovanju, postupanju i zaštiti u slučajevima nasilja u porodici. Kroz projekat je podržan rad i razvoj kantonalnih koordinacionih tijela i općinskih multisektorskih timova, te je potrebno uraditi statističku obradu i analizu realizacije 15 projekta podrške radu ovih tijela.

Opis poslova:

- Priprema i plan izrade analize i izvještaja o provedbi 15 projekata
- Analiza dokumentacije za 15 projekata se radi u prostorijama Gender Centra Federacije BiH (u prosjeku svaki od projekata ima 6 događaja, sa učešćem u prosjeku 15 osoba po događaju. Za svaki od projekata posebno, kao i sveukupno potrebno je dati prikaz učešća pojedinih grupa, mjesto održavanja sastanaka, socioekonomske podatke učesnika, analizu raspodjele sredstava u okviru projekata i sl.)
- Obrada podataka u SPSS-u
- Analiza događaja u okviru projekta
- Izrada Analize
- Izrada Izvještaja

Uslovi:

- Iskustvo u radu na programu SPSS ili sličnom statističkom programu
- Iskustvo u analitičkim poslovima

Izvještaj treba da sadrži analizu slijedećeg sadržaja:

- Analizu svakog od 15 projekata posebno
- Analizu svih projekata zajedno
- Broj po događajima učesnika po općinama
- Broj po događajima učesnika po kategorijama: socijalna zaštita, policija, zdravstvo, obrazovanje, pravosuđe, nvo, zastupnici u skupštinama, političke partije i dr.
- Broj različitih učesnika koji su učestvovali po kategorijama: socijalna zaštita, policija, zdravstvo, obrazovanje, pravosuđe, nvo, zastupnici u skupštinama, političke partije i dr.
- Finansijska realizacija po kategorijama i po općinama
- Dodatni doprinos projekata

Vremenski okvir:

- decembar 2020. – februar 2021.
- procjena posla je 3 dana za pregled dokumentacije u prostorijama Gender Centra Federacije BiH, 5 dana za unos podataka, 5 dana za analizu podataka i izradu izvještaja koje konsultant/ica radi izvan prostorija Gender Centra Federacije BiH

Uz prijavu potrebno je dostaviti:

- Dokaz o naprednom poznavanju rada na programu SPSS ili sličnom statističkom programu (biografija + dokumenti koji dokazuju navedena iskustva - reference)
- Dokaz o radu na analitičkim poslovima (biografija + dokumenti koji dokazuju navedena iskustva - reference)

Dokumentacija i način podnošenja projektnog prijedloga:

- Prijava, biografija i dokumenti kojim se dokazuju tražena iskustva se dostavljaju lično ili putem pošte u štampanom obliku, u koverti na kojoj će jasno pisati: „**Prijava za odabir konsultanta/ice za statističku obradu podataka**“ na adresu:
Gender Centar Federacije BiH
Ul. Put života br. 2, 71000 Sarajevo, BiH
- Prijave se dostavljaju najkasnije do 21.12.2020. godine do 12:00.
- Kandidati/kinje koji/e budu zadovoljili/e tražene uslove bit će pozvani na intervju.

Sve prijave koje budu dostavljene na adresu Gender Centra Federacije BiH nakon definisanog roka neće biti razmatrane.



Ravnateljica
Ana Vuković